

4. Hauptversammlung 64 FC Gossau

Sonntag, 21. September 2025



Video Lukas

Mit dere traditionelle Begrüessig vo üsem Sportmoderator Lukas Studer heiss i eu herzlich willkomme zu dä 4. HV vo 64 FC Gossau.

Mer freuet üs riesig mit eu zäme üsi HV i dere wunderbare Location vom Freihof düre z'führe. Di wichtigste Gäscht sind natürli er liebi Mitglieder, i wött aber doch no paar Persone speziell willkomme heisse:

- Üsen St.Galler Regierigsrot Bruno Damann, schö dass üsi HV i dim volle Terminkalende inebrocht häsch
- Üsen Stadtpräsi dä Wolfgang Giella
- Vom Stadtrat d'Claudia Martin
- Üsen Schuelrotspräsi Stefan Rindlisbacher
- Dä Präsi vom Gwerbverein, dä Remo Schönenberger
- Dä Nöbi Thaler, so quasi dä Stadionvater vo üsere Alag
- Üsen FCG-Präsi Carlo Troisi

4. Hauptversammlung 64 FC Gossau

Sonntag, 21. September 2025



- Dä Nico Abegglen, Assistenztrainer vom Eis
- Dä Claudio Besio, dä sportlich Leiter vo dä erste und zweite Mannschaft
- Vo dä Juniore-Kommission dä Beat Eugster
- D'Morena Abelleira, tribendi Kraft im Frauebereich
- Vo Sport-verein-t d'Monique Huber
- Dä Mäx Schildknecht vo gossau24 und dä Tobi Baumann vo dä Gossauer Nochrichte
- Usen Gastgeber dä Lambert Niggemann vom Freihof
- Willkommen üserer Fotocrew Zeljko und Slavica Belos. Lueget also bitte immer lieb und ufgstellt dri.
- Ä herzlichs Willkommen und bereits etz än grosse Applaus für üsen Stargast Diego Benaglio
- And last but not least ä herzlichs Willkommen mine Vorstandskollege. Vo links noch rechts Reto Huber, Marcel Ucan, Andreas Oberholzer, Roger Steiner und Daniel Bamert

4. Hauptversammlung 64 FC Gossau

Sonntag, 21. September 2025



Stefan «Stiveli» Künzle

Bevor mer richtig istieget, wöt i amene verstorbne Mitglied gedenke

- Und zwor am Stefan «Stiveli» Künzle
- Dä Stefan isch än wunderbare Fründ vo üs gsi. Er hät unzählige Stunde mit üs ufem Fuessballplatz verbrocht und isch sit Vereinsgründig Mitglied vo üs.
- Dörf i eu bitte für ä Trurminute ufzstoh
- Danke vielmol

Folie Lambert Niggemann

Noch dem mer letscht Johr a dä G24 z'Bsuech gsi sind, dörfet mer hüt bi üsem langjährige Partner Freihof Gastrecht gnüsse. Herzliche Dank Lambert Niggemann, dass mer hüt dörfet bi dir si.

4. Hauptversammlung 64 FC Gossau

Sonntag, 21. September 2025



Vorstellung Traktanden

I dä nöchste Minute wönd mer mit eu folgendi Traktande behandle. Er händ di mit dä lladig zu dä hütige HV übercho. Mer weret zruggluege wa mer im letschte Johr gmacht händ und än Usblick uf di kommende Projekt wörfe.

Und freue chönd er eu bereits uf üsen Stargast dä Diego Benaglio. Dütsche Meister mit Wolfsburg, x-Spiel im Goal vo dä Nati und etz SRF-Fussballexperte. I freu mi scho riesig uf üsen Fuessballtalk.

Anwesende Stimmen

Andreas, wieviel Mitglieder sind hüt do? Wa isch s'absolut Mehr?

107 / 54

4. Hauptversammlung 64 FC Gossau

Sonntag, 21. September 2025



Wahl der Stimmezähler

I gseh do sehr viel gueti potenzielli Stimmezähler. Für di recht Site wör i dä ?? vorschlo und für die link Site d'??

Wenn er iverstande sind mit dere Wahl, bitt i eu da mit Klatsche z'bezüge.
I gratulier eu zwei zu dere ehrevolle Wahl. Selbstverständli gits denn noch dä HV ä Stimmezähler-Bier oder än Stimmezähler-Prosecco.

Carlo Troisi und Gögi Göksel

4. Hauptversammlung 64 FC Gossau

Sonntag, 21. September 2025



Jahresbericht des Präsidenten

Video Junior

Er händ dä Jahresbricht mit dä lladig übercho. Gern wöt i uf einigi Highlights vo üsem vierte Vereinsjohr igoh.

Zerscht wöt i aber nomol üsi Wert wo mer wönd bi 64 FC Gossau und am FC Gossau vermittle ufzeige. Für da wöt i nomol dä Video vo üsem Mitglied Markus Heimbeck zeige. Öppä eim chund da Video sicher bekannt vor, aber er isch eifach z'guet zum no eimol isetze.

Video Markus einspielen

4. Hauptversammlung 64 FC Gossau

Sonntag, 21. September 2025



I dem Video wird so viel überebrocht, wo mer als FC Gossau oder 64 FC Gossau wönd fördere.

Schlagwort Nr. 1 «Freude»: S'Wichtigst überhaupt. Genau da wönd Trainer i jedem Training vermittle.

Schlagwort Nr. 2 «Spass»: Ä Training ohni Spass isch ä verlores Training

Schlagwort Nr. 3 «Zämehalt»: Wichtig im Sport, Bruefs- und Privatlebe

Schlagwort Nr. 4 «Freizit»: Mer ermöglichet dä junge Mensche ä gueti Freizitbeschäftigung

Schlagwort Nr. 5 «Fründschaft»: Im Verein sind scho Fründschafte fürs Lebe entstande. Lueget üs a.

Schlagwort Nr. 6 «Lideschaft»: Lideschaft für dä Sport, aber au dä Verein. Da git Identifikation.

Schlagwort Nr. 7 «Ehrgiz»: Mer wönd zäme erfolgreich si.

4. Hauptversammlung 64 FC Gossau

Sonntag, 21. September 2025



Facts & Figures Junioren

Und etz wömer natürli wüsse, wa bi dä Juniore i dä letschte Saison so gange isch. Und wer chönd da besser verzelle als dä Leiter vo dä JuKo. Beat dörf i di bitte.

Ausführungen Beat Eugster, JuKo-Chef

Danke vielmol Beat.

Beat Eugster und Daniel Baumgartner informierten ausführlich über die Führung der Juniorenabteilung. Hauptziel ist, in allen Kategorien in der Youth-League vertreten zu sein. Der FC Gossau ist angewiesen auf gute Trainer in der Juniorenabteilung!

4. Hauptversammlung 64 FC Gossau

Sonntag, 21. September 2025



Bild der 1. und 2. Mannschaft

Üses Eis und üses Zwei: Mer händ wieder x-Gossauer und eigni Juniore i dä beschte Aktivmannschafte. Da entspricht dere neue Clubstrategie, wo dä Sportliche Leiter Claudio Besio voratreibt.

Im Eis hämer mehreri ehemoligi Juniore wo regelmässig zum Isatz chömet. S'zwei isch als Nachwuchsteam geführt worde und hät mitemene Altersschnitt vo 22gi dä Ufstieg id 2. Liga gschafft. I dä Saison 25/26 hämer im Eis und Zwei zwölf Eigeni wo no im Juniorealter sind.

Ehrung Alfredo Ruiz

Etz wömer ganz ä spezielli Person ehre. I Clubkreise segets em JuKo-Legende. Johrelang hät er sich unermüedlich um die chlinschte Juniore kümmeret und glaubs scho mit jedem Team ä Training düregführt. Alfi chom doch bitte churz füre. Mer danket dir vo Herze für alles wat du für dä FCG gleistet häsch. Und zum Glück blibsch du üs als Leiter Infrastruktur no lang erhalte.

4. Hauptversammlung 64 FC Gossau

Sonntag, 21. September 2025



Unsere Mitglieder

Gstartet simer am 12. Mai 2021 z'sechste «Sechs Freunde für den FC Gossau». Jetzt sind mer scho 342 Fründinne und Fründe. Mer sind total happy mit dä Entwicklig vo üsem Verein und sind eu u dankbar, wenn er üs helfet, witeri Fründe für üsen Verein zfinde. Machet bitte Werbig i euem Umfeld. Und ganz wichtig, bliebet üs bitte treu.

Ä 64er-Mitglied wött au no rasch Hallo säge.

Grussbotschaft Giorgio Contini

Jetzt lueg i gern uf paar Events und Massnahme usem letschte Vereinsjohr zruigg.

4. Hauptversammlung 64 FC Gossau

Sonntag, 21. September 2025



Trainer-Weiterbildung

Im November 2024 hät dä FC Gossau unter dä Leitig vom JuKo-Chef Beat Eugster dä zweit Trainer Day duregführt. D'Junioretrainerinne und -trainer sind i verschiedene Bereiche witerbildet worde. Än wesentliche Part hät däbi üsen Daniel Bamert, 64er-Vorstandsmitglied und Fuessball-Instruktor bim SFV, übernoh. D'Uusbildig hät usemene Theorieteil und amene Praxisteil ufem Platz bestande. Ob Ballmitnahme, Dribbling, Pass oder Torschuss – d'Trainercrew isch trotz chalte Temperature mit Begeisterig däbi gsi.

Erfahrungsaustausch mit IG-Sport

Am 12. November z'Wil und am 14. November z'Buchs hämer üsen Nachwuchsförderverein im Rahme vo dä Infoveranstaltung vo IG Sport andere Vereinsvertreter vorgstellt. S'Interesse vo andere Verein än vergleichbare Verein ufzbaue, isch gross.

4. Hauptversammlung 64 FC Gossau

Sonntag, 21. September 2025



Weihnachtsgrüsse

A dä Wiehnacht hämer üsne Mitglieder ä chlini Freud mit dä Wiehnachtscharte und dä 64er-Untersetzer chöne mache. S'wunderbar Bild mit dä Jungs isch a dä HV 2024 entstande.

Geisterbar

Vom 13. Februar bis 1. März 2025 simer mit dä 64er-Bar bim Remo Schönenberger i dä Geisterbar gsi. Herzlichen Dank liebe Remo – mer sind sehr dankbar, dass du üs als 64er-Mitglied die Werbepattform ermöglicht häsch. Mer händ einigi neui Mitglieder chöne für üsen Verein begeistere. Und so wies usgseht, simer au im 2026 wieder i Gä Geisterbar.

4. Hauptversammlung 64 FC Gossau

Sonntag, 21. September 2025



Neuer Vereinstrainer

Einzug der Junioren mit Daniel und Diego Benaglio

Am Samstag, 22. März 2025, sind im Rahmen vom Rückrundestart vom Eis alle Juniorinnen und Junioren mit einem neuen Vereinstrainer ausgerüstet worden. Was für ein großartiges Bild: Alle Nachwuchskickerinnen und -kicker im neuen Stadion. Gänsehautfeeling pur.

Frage an Junior: Wie gefällt dir der Trainer?

Frage an Daniel: Was bewirkt so tolle Aktionen innerhalb vom Verein?

Frage an Diego Benaglio: Bei welchem Verein hast du das erste Mal als Vereinstrainer agiert?

Danke euch vielmals. Da Diego guckt mich noch mal im Fussball-Talk.

4. Hauptversammlung 64 FC Gossau

Sonntag, 21. September 2025



Vo Herze danki nomol üsne Sponsore, wo dä Projekt ermöglichtet händ. Aepli Metallbau, dä Ursi vo Roncz AG, am Esko vo Marcel Müller AG, am Ralf vo Lehmann AG und am Michi Klaus vo dä GNG.

Tag der guten Tat

Am Tag der guten Tat vom Samstag, 24. Mai, händ mer im Coop Gossau für vieli strahlendi Gsichter gsorgt. Mer händ d'Kundinne und Kunde mitere feine Coop-Schoggi überrascht.

Für üs isch das amel ä grosses Vergnuege, Coop bi dem schöne Projekt z'unterstütze. Zuedem chömet mer immer 500 Franke für üsen Verein über. Herzliche Dank an Markus Schläpfer und Karin Oberholzer vom Coop Gossau. Beides au Mitglieder vo üs.

4. Hauptversammlung 64 FC Gossau

Sonntag, 21. September 2025



Saison-Abschlussfest

Am Abschlussfest vom Samstag, 14. Juni, isch 64 FC Gossau mitere 64er-Bar däbi gsi. A dem schöne Sommerobig hämer s'Vereinslebe gfiret.

64er-Präsenz i dä Badi

Da Bild hät üs dä FCG-Junior Elay Ucan im Juli 2025 gschiggt. Einfach genial, dass üsi 64er-Badtüecher so grosse Aklang findet. Hüt gits denn i dä Verlosig no Badtüecher zum Gwünne.

Video Oli und Ferhat

Wie scho oft gseit, sind d'Trainer s'wichtigst, d'Eckpfler vo üsem Verein. Si vermittelt üsi Wert und investieret ganz viel Zit für die Jugendliche. Üs freuts drum umso meh, wenn d'Trainer au Freud a 64 FC Gossau händ.

4. Hauptversammlung 64 FC Gossau

Sonntag, 21. September 2025



64 FC Gossau im neue Stadion

Mer freuet üs sehr, dass 64 FC Gossau au im neue wunderbare Stadion uf schöni Art und Wis visuell erlebbar isch.

A dere Stell wöt i dä Carlo churz bitte, zwei drü Wort zum neue Stadion und zum FC im Allgemeine z'säge.

Carlo Troisi erläutert, dass der FC Gossau finanziell gesund dasteht.

Ansprache Carlo

Danke vielmol Carlo.

Gemeinsam für dä FC Gossau

D'Zämearbeit mit dä JuKo und em FC Gossau lauft sehr guet. Mer tuschet üs regelmässig us und entwickelt zäme neui Ideeä. Än herzliche Dank do vorallem an Carlo Troisi und Beat Eugster.

4. Hauptversammlung 64 FC Gossau

Sonntag, 21. September 2025



Da wär än churze Rückblick vo mer gsi uf üses Vereinsjahr. Gits Froge zu mim Jahresbricht? Wenn da nöd so isch, gib i gern am Vize s'Wort, dass er cha über min Jahresbricht abstimme lo.

Abstimmung über Jahresbericht durch Vize

Danke vielmol Reto.

Jahresbericht wurde unter grossem Applaus verdankt.

4. Hauptversammlung 64 FC Gossau

Sonntag, 21. September 2025



Jahresrechnung

Denn chömet mer etz zu dä Jahresrechnig. Do gib i gern üsem Finanzchef, am Marcel Ucan s'Wort.

Marcel Ucan erläutert die Jahresrechnung.

Genehmigung Jahresrechnung, Entlastung Vorstand Raffi

Do gib i gern üsem Revisor Raffi Eigenmann s'Wort.

Raffael Eigenmann bestätigt, dass die Kassen korrekt geführt werden.

Antrag Jahresrechnung ist zu genehmigen: Einstimmig genehmigt.

Dem Vorstand wurde einstimmig Entlastung erteilt.

4. Hauptversammlung 64 FC Gossau

Sonntag, 21. September 2025



Budget

Üsen Finanzchef wör etz no s'Budget für 2024/25 vorstelle.

Genehmigung Budget

I demfall chämtet mer scho zur Gnehmung vo üsem Budget.

Wer s'Budget wöt gnehmige, bitte Hand erhebe. Gegestimme?

Einstimmig angenommen

Wahl Präsident

Denn chömet mer zu dä Wahle. Dä gsamt 64er-Vorstand stellt sich witerhin zur Verfügig.

Z'erscht gohts gad um mini Person, drum gib i gern s'Wort üsem Vize-Präsi.

- Wahl des Präsidenten durch Vize
- Danke Reto und danke liebi Mitglieder fürs Vertraue

Einstimmig unter grossem Applaus gewählt

4. Hauptversammlung 64 FC Gossau

Sonntag, 21. September 2025



Wahl Vorstand

D'Wahl vo dä witere Vorstandsmitglieder führet mir in Globo düre. Da wär dä Vizepräsident Reto Huber, dä Marcel Ucan – Finanze, dä Andreas Oberholzer – Administration, dä Roger Steiner – Events und dä Daniel Bamert – Kommunikation und Trainerusbildig

Wer dä Vorstand wieder wöt wähle, bitte Hand erhebe. Gegestimme?
Danke vielmol für eues Vertraue und Gratulation a eu Jungs zur Wiederwahl.

Einstimmig unter grossem Applaus gewählt

4. Hauptversammlung 64 FC Gossau

Sonntag, 21. September 2025



Wahl Revisionsstelle

Au dä Raffi Eigenmann stellt sich für ä Wiederwahl zur Verfügig.
Wer mit dä Wahl vom Raffi Eigenmann iverstande isch, bitte Hand erhebe.
Gegestimme?

Unter grossem Applaus gewählt

Gratulation Raffi zu dinere Wahl.

Projekte Saison 2025/26

Wa hämer i de neue Saison vor.

Junioren-Tenüs

Mer unterstützt dä FC bi dä Aschaffig vo neue Junioretenüs im Umfang vo ca. CHF 5'000. Binere Aschaffig vomene Tenü beteiligt sich 64 FC Gossau mit jewils CHF 500. Bi dene Tenüs wird denn au immer dä 64er-Badge platziert.

4. Hauptversammlung 64 FC Gossau

Sonntag, 21. September 2025



Matchbälle

I chürzi chömet alli Junioremannschafte je zwei neu Matchbäll über. Mer händ di komplett finanziert und au döt isch s'64er-Logo druf. Lueget eu di schöne Bäll a. Au vo dene weret hüt zwei verloset.

Projekte

Zuedem wömer im Herbst wieder än Traineralass düreführe. Dani, häsch du bereits ä spannends Thema?

Und im November machet mer än Trainer-Fondueplausch, wo d'Trainerinne und Trainer ä Begleitig chönd mitneh. Mit dem Alass wömer dä Trainer Danke säge für dä gross Isatz und glichzeitig dä Dialog unter dä Trainer fördere.

Zuedem simer wie immer am Plane vo witere Projekt.

4. Hauptversammlung 64 FC Gossau

Sonntag, 21. September 2025



Herzlichen Dank an unsere Partner

Herzliche Dank a üsi Partner, wo üs immer unterstützt. Mer chönd uf viel etablierte Unternehme zähle wo a üsere Site sind.

Vor churzem hämer än witere Sponsor chöne gwünne. Dä Patrick Harder unterstützt üsen Verein und isch uf dä Membercards mit em Logo druf. Herzliche Dank Patrick und willkomme bi 64 FC Gossau. I glaub, es git nöd viel Verein, wo sogar än Zahnarzt-Partner händ.

Danke für die Gastfreundschaft

Än herzliche Dank an Lambert Niggemann für d'Gastfründschaft do im Freihof. Isch für üs ä absoluts Highlight, dass mer üsi HV dörfet bi dir i dä Bar mache. Du häsch ä richtigi FC Gossau HV Woche, dä FC isch jo bereits am Donstig bi dir gsi.

4. Hauptversammlung 64 FC Gossau

Sonntag, 21. September 2025



Herzlichen Dank an Vorstand

Hey Jungs, danke für euen grosse Isatz. Es macht riese Spass mit eu und i freu mi uf üsi witer Zämearbeit.

Herzlichen Dank an unsere Mitglieder

Dä gröscht Dank liebi Mitglieder goht a eu. Da seg i us vollster Überzügig und mit grosser Lideschaft. Er sinds wo üses Projekt träget und mer sind froh, wenn mer au i Zuekunft uf eu zähle chönd. Aber mer lönd doch lieber rasch di Chline rede.

- **Video Jungs**

4. Hauptversammlung 64 FC Gossau

Sonntag, 21. September 2025



Allgemeine Umfrage

Denn simer bereits bi dä allgemeine Umfrog. Gits Froge vo eu liebi Mitglieder? Wöt ä Mitglied s'Wort ergrife?

Denn gib i gern no s'Wort üsem Stadtpräsident Wolfgang Giella. Liebe Wolfgang.

Weisswurstfrühstück mit Fussballtalk

Witer gohts abschliessend mit emene Weisswurstfrühstück. Offeriert sind natürli au d'Getränk währed em Frühstück.

Spöter gits än Fuessball-Talk unter dä Leitig vom Andreas Oberholzer mit üsem Stargast Diego Benaglio. Andreas, chasch scho säge wat Gäscht erwartet?

Danke Andreas.

4. Hauptversammlung 64 FC Gossau

Sonntag, 21. September 2025



... und liebi Mitglieder, es lohnt sich wörkli zum nochli bliebe. Rund um dä spannend Talk verloset mer drü Freihof-Guetschi im Wert vo 200, 150 und 100 Franke, zwei Pflegeset vom Coiffeure Steinmann im Wert vo CHF 100, herzliche Dank Nico, zeh 64 FC Gossau Badtüecher und zwei brandneui 64er-Matchbäll.

Schliessen der Versammlung

Da wärs gsi mit em offizielle Teil vo dä HV. I schlüss di viert HV vo 64 FC Gossau. Danke vielmal, dass er do sind und vor allem danke vielmol dass er «üsi Fründe» sind.